

## **Kalaallit Nunaanni qitequtaasanik isumannaallisaatinik il.il atuineq pillugu nalunaarut**

Kalaallit Nunaanni aqqusinertigut angallannermut inatsimmi § 39 a, imm. 5, aamma § 56, imm. 2, tak. inatsit nr. 832, 18. december 1991-imeersoq, allangor-tinneqartoq inatsisikkut nr. 497-ikkut 17. juni 2008-meersukkut, naapertorlugit aalajangersarneqarpoq:

### Kapitali 1

#### *Qitequtaasanik isumannaallisaatinik il.il. atuisussaannermik pinngit-soorsinnaatitaaneq*

§ 1. Kalaallit Nunaanni aqqusinertigut angallannermut inatsimmi § 39 a, imm. 1 malillugu qitequtaasanik isumannaallisaatinik atuisussaaneq atuutissanngilaq aqqusinertigut angallannerni imaattuni:

- 1) Sumiiffinni amerlasuunik inoqarfiusuni inuussutissarsiornermut atatillugu annerpaamik tiimimut 30 km-inik sukkassuseqarluni angallanneq, pineqartoq angallannerup nalaani biiliniit niusaqattaarlunilu ikisaqattaassagaangat, aamma uninnerit ataasiakkaat akornanni ungasissuseq 500 meterinit ungasinnerunn-gippat.
- 2) Sumiiffinni amerlasuunik inoqarfiusuni allakkanik poortukkanillu agguaassiner-mut kiisalu allakkanik nakkartitsivinnik imaarsiner-mut atatillugu Post Greenlandip angallassinera.
- 3) Immikkut ittumik nakkutigeqqissaarineq siunertaralugu kiisalu tigusanik allan-illu, angallassinerep nalaani navianarsinnaasunik, politiit angallassinerat.
- 4) Pillakkanik allanillu, angallassinerep nalaani navianarsinnaasunik, angallassi-ner-mut atatillugu Pinerluuteqarsimasunik Isumaginnittoqarfiup angallassinera.

*Imm. 2.* Kalaallit Nunaanni aqqusinertigut angallannermut inatsimmi § 39 a, imm. 1 malillugu qitequtaasanik isumannaallisaatinik atuisussaaneq ilaasunut, illoqarfiup bussi-nik aamma bussinik, minnerpaamik 20 pct.-inik nikorfaffissaler-lugit aqqissuussani angallanneqartunut aamma angallavikkut aalajangersimasuk-kut angallassinermi ator-neqartunut, atuutissanngilartaaq.

*Imm. 3.* Imm. 1, nr. 1 aamma 2 malillugit atuisussaannin-neq sumiiffinni, une-qattaarfiusuni, agguaassiffiusuni imaluunniit allakkanik nakkartitsivinnik imaar-siffiusuni angallanneq ilaatinneqanngilaq.

§ 2. Qitequtaasanik isumannaallisaatinik imaluunniit atortunik isumannaallisaa-tinik allanik atuisussaaneq inunnut, ilungersunartumik nakorsartinneq pissutigalu-gu tamatumunnga nakorsap uppernarsaasiineratigut pisussaajunaartinneqarsima-sunut, atuutissanngilaq. Uppernarsaat angallannerup nalaani nassar-neqassaaq pi-masarineqarpallu politiinut takutinneqassaaq.

*Imm. 2.* Uppernarsaammi piffissaq atuuffik taaneqassaaq imaattumillu meqqita-qassalluni:

§ 3. Kalaallit Nunaanni Peqqinnissamik Nakkutilliisoqarfik Kalaallit Nunaanni Politimesteri isumasioreerlugu § 2 malillugu atuisussaanninneq pillugu uppernarsaat qaqugukkut akuersissutigineqartassanersoq pillugu aalajangersaassaaq.

*Imm. 2.* Uppernarsaat qinnuteqartup nakorsaanit imaluunniit nakorsamit immikkut ilisimasalimmit akuersissutigineqassaaq immersuiffissaq, Kalaallit Nunaanni Peqqinnissamik Nakkutilliisoqarfiup akuerisimasaa, atorlugu. Nakorsap nalornisoortit peqqinnissamik nakkutilliisumut saqqummiussinnaavai.

*Imm. 3.* Uppernarsaatit Danmarkimi imaluunniit naalagaaffimmit EU-mi ilaasortaasumi akuersissutigineqartut taamatuttaaq Kalaallit Nunaanni atuutissapput.

## Kapitali 2

### *Meeqqat qitequtaasanik isumannaallisaatinik il.il. atuinerat*

§ 4. Atortunik isumannaallisaatinik immikkut naleqqussarneqarsimasunik meeqqat atuinerat pillugu aalajangersagaq Kalaallit Nunaanni aqqusinertigut angallannermi inatsimmi § 39 a, imm. 2-miittoq meeqqanik pingasut ataallugit ukiulinnik taxinik angallassinnermi atuutissanngilaq, atortunik isumannaallisaatinik meeqqamut atugassamik immikkut naleqqussakkanik peqanngippat, aamma meeqqap issiavimmi saarlermiinnani issiavik alla issiavigippagu.

*Imm. 2.* Aquttuusup nakkutigisussaavaa imm. 1-imi aalajangersagaq malinneqarnersoq.

§ 5. Biilimi, inunnik qulingiluat sinnerlugit ilaasoqarsinnaasutut, aquttoq ilanngullugu, aaqqissuunneqarsimasumi aquttoq ilaasut suli 15-inik ukioqalersimannigitsut inatsimmi § 39, a imm. 1-3 kiisalu tamanna pillugu malerugassat § 39 a, imm. 5 naapertorlugit atortunik isumannaallisaatinik atuinissaannik Kalaallit Nunaanni aqqusinertigut angallannermi inatsimmi § 39 a, imm. 4 malillugu nakkutiginnittussaannerminut pinngitsoortinneqassaaq.

*Imm. 2.* Biilimi, inunnik qulingiluat sinnerlugit ilaasoqarsinnaasutut, aquttoq ilanngullugu, aaqqissuunneqarsimasumi aquttup ingerlannginnermini isumagissavaa, ilaasut 15-it ataallugit ukiullit qitequtaasanik isumannaallisaatinik atuinissaq pillugu maleruagassanik paasitinnissaat, issiaviit qitequtaasalorsorneqarsimappata isumannaallisaatitalinnik.

*Imm. 3.* Imm. 2 malillugu paasissutissiisussaaneq makkunatigut alaatsinaaffigineqassaaq:

- 1) Aquttumiit ilisimatinneqarneq.
- 2) Ingiallortimit imaluunniit suleqatigiinni aqutsisussatut toqqarneqarsimasumit ilisimatinneqarneq.
- 3) Isiginnaagassiaq nipilik.
- 4) Piktogram atorlugu, issiaviit qitequtaasanik isumannaallisaatitalit eqqaanni ersittumi inissisimasussamik, aamma ima iluseqartussaq (inuk qaqortoq tungujortumik tunuliaqutalik):

## Kapitali 3

### *Pineqaatissiissutit aamma atortuulersitsineq*

§ 6. § 2, imm. 1, oqaaseqatigiit aappaannik, § 4, imm. 2-mik aamma § 5, imm. 2-mik, tak. imm. 3, unioqquitsinermi akiliisitsisoqarsinnaavoq.

§ 7. Nalunaarut atortuulissaaq ulloq 1. oktober 2008.

*Inatsiseqarnermut ministereqarfik, ulloq 25. september 2008*

BRIAN MIKKELSEN

/Kira Gandrup